


勅脩甘肅通志

第二十一册

卷之第三十

名宦



甘肅通志卷之第三十

名宦

臨洮府

漢馮野王字君卿元帝時遷隴西太守以治行高入為

左馮翊

馮 遂字子產野王弟建昭中為隴西太守治行廉

平

庫 鈞光武時為金城太守與河西都尉竇融等政

皆寬和上下相親晏然富殖修兵馬習戰射明烽燧

甘肅通志

卷三十一

名宦

羌人犯塞諸郡相救由是羌人震服流民歸之

張 紆章帝元和時為隴西郡太守燒當羌遂吾及

弟號吾寇隴西紆將兵追獲之號吾曰誠得生還必

不復犯塞紆放遣之羌即解散章和初傳育為護羌

校尉擊羌敗死紆代為護羌校尉迷吾寇金城紆遣

將擊敗之迷吾乞降紆因誘執迷吾斬其首以祭育

塚

鄧 訓字平叔南陽新野人禹之子章和元年代張

紆為護羌校尉迷唐欲報其父迷吾怨率兵來至塞



下訓乃嚴兵守衛羌掠無所得因解去於是發湟中兵掩擊迷唐大破之又以恩信懷諸附落小種燒當豪帥皆歛塞納質其卒也吏民諸羌爲訓立祠

曹鳳和帝永元十四年爲隴廩相時安定降羌燒何種反郡兵擊滅之自是西海及大小榆谷左右無復羌患鳳上言宜及此時建復西海郡縣廣設屯田隔塞羌人交關之路又殖穀富邊省委輸之役上從之於是拜鳳金城西部都尉將徙士屯龍支

龐參縱氏人元初元年代侯霸爲校尉以恩信招

甘肅通志

卷三十一

名宦

二

誘號多羌二年春號多羌率衆七千餘人詣參降

霍 謂字叔智魏郡鄴人順帝時舉孝廉稍遷金城太守性明達篤厚能以恩信化誘殊俗甚爲羌戎所敬服

賈 友永和五年爲護羌校尉遣譯使構離諸羌攻迷唐於大小榆谷獲首虜八百餘人收麥數萬斛遂夾逢留大河築城塢作大航造河橋欲以渡兵迷唐遠徙依賜支河曲

侯 霸和帝永元間爲金城太守時迷唐請降入居

金城帝令居大小榆谷未幾復叛霸將兵出塞至允川與迷唐戰陷陣斬首羗衆折傷種人无解降者六千餘口

魯 謙扶風平陵人恭長子爲隴西太守有名績

上官鴻和帝永元時爲金城長史開置歸義建威屯出二十七部

三國魏蘇 則字文師扶風武功人起家爲酒泉太守轉安定武都所在有威名魏太祖征張魯過其郡見則悅之使爲軍導魯破則綏定下辯諸氏徒爲金城

甘肅通志

卷三十一

名宦

三

太守是時喪亂之後吏民流散饑窮則撫循之招懷羗戎旬月流民歸者數千家乃明禁令賞善誅惡教民耕種歲大收由是歸附日多文帝以則平隴西李

越加護羗校尉賜爵關內侯又發兵至河西平麴演

張進黃華之亂還金城進爵都亭侯食邑三萬戶徵

爲侍中初興平中則避難北地客安定依富室師亮

不爲禮及爲安定守亮欲逃則使人解語以禮報之

游 楚字仲允馮翊高陵人太和中隴西太守以恩

德爲治不好刑殺諸葛亮出隴右天水南安太守各

棄郡東下楚獨據隴西堅守遣長史馬顯出門設陣而自於城上曉謂蜀帥言卿能斷隴使東兵不上一月之中則隴西不攻自服若不能虛自疲弊耳使顯鳴鼓擊之蜀人乃去

晉車 濟字萬度燉煌人穆帝時爲金城令後趙將麻秋陷金城濟不爲屈秋必欲降之臨之以兵濟辭色不撓曰吾雖才非龐德而受任同之身可殺志不可移乃伏劍而死秋歎其忠節以禮塋之

張重華西涼王張駿子後趙石虎遣麻秋攻枹罕華

甘肅通志

卷三十一

名宦

四

遣謝艾連戰敗之虎歎曰吾以偏師定九州今以九州之力困於枹罕彼有人焉未可圖也

任 蘭後秦時爲金城太守乞伏乾歸以衆叛攻陷金城執蘭蘭厲色責乾歸以背恩違義乾歸怒而囚之蘭遂不食而死

南北朝魏李 贇成紀人魏恭帝時王師東討朝議以西道空虛慮羌渾侵擾授贇河州總管河州舊非總管至是始置贇乃大營屯田以省運漕多設斥堠以

備邊警於是羌渾歛迹

後周豆盧勣字定東昌黎人後周武帝初涇源燒當羌因饑作亂以勣有才畧拜涇州刺史甚有惠政華戎悅服大致祥瑞烏鼠山俗呼爲高武隴其下渭水所出其上絕壁千尋由來乏水諸羌苦之勣馬足所踐忽飛泉湧出有白烏翔止廳前乳子而後去又白狼見於襄武民爲之謠曰我有丹陽山出玉漿濟我民生神烏來翔百姓因號其泉爲玉漿泉

隋段文振北海期原人高祖時爲石河二州刺史甚有威惠遷蘭州總管封龍崗縣公尋以譖廢煬帝卽位

甘肅通志

卷三十一

名宦

五

徵爲兵部尙書從征吐谷渾文振督兵屯雪山連營三百餘里合圍吐谷渾於覆袁山以功進右光祿大夫

裴 倫河東人大業末爲涇源令屬薛舉之亂城陷遇害

唐李素立貞觀二十一年爲燕然都護統瀚海等六府臯蘭等七州素立撫以恩信羌落懷之共率馬牛爲獻素立惟受盃酒餘悉遣之

薛 訥字慎言絳州龍門人仁貴子開元二年吐蕃

寇臨洮至蘭州剽牧馬詔訥攝羽林將軍爲隴右防禦使與王駿擊之追及賊戰武階驛犄角破其衆尾北至洮水又戰長城堡俘斬數萬悉收所掠及仗械不貲以功拜左羽林大將軍

王駿滄州人爲隴右群牧使開元二年吐蕃以精甲十萬寇臨洮屯大來谷其酋舍達延以兵踵而前駿選勇士七百人易胡服夜襲之多置鼓角於其後前軍遇寇大呼後人鳴鼓角應之賊疑有伏自相鬪死者萬計俄而薛訥至武階距大來二十里夾賊而甘肅通志

卷三十一

名宦

六

陣駿與訥會夜使士銜枚塵突賊駭引去追至洮水又敗之俘獲數萬

郭知運字逢時瓜州晉昌人從郭虔瓘破突厥有功擢右驍衛將軍時吐蕃將舍達延乞力徐寇渭源盜牧馬詔知運與薛訥王駿等相犄角敗之進階冠軍大將軍兼臨洮軍使封太原郡公賜資萬計徙隴右諸軍節度大使鄯州都督卒贈涼州都督配享太公廟諡曰威

崔知溫字禮仁許州鄆陵人仕爲左千牛累遷蘭州

刺史党項羗入侵州境兵寡衆懼莫知所出知溫開門不設備羗怪之不敢進俄會將軍權善才率兵至大破其衆善才欲窮追取之知溫曰古善戰勿逆奔且谿谷複深草木荒延萬一有變不可悔善才曰善分降口五百贈知溫辭曰我議公事圖私利耶累遷尚書丞

宋种 誼字壽翁洛陽人熙寧初從高遵裕復洮岷又平山後羗至熙河副將使青唐董種遣鬼章迎候境上取道故爲回枉誼固習其地里諗之曰爾謂我不

甘肅通志

卷三十一

名宦

七

知遠近耶改從便道遷本路都監自蘭州渡河討賊斬首六百元祐間復以平夏人功進熙河鈐轄知蘭州蘭與通遠皆絕塞中間保障不相接腴田多棄不耕誼請城李諾平以扼衝要從之

王 韶字子純江州德安人熙寧元年詣闕上平戎三策以爲西夏可取帝異其言召問方略以韶管幹秦鳳經畧司機宜文字因按邊諭降俞龍珂率屬十二萬口內附五年韶引兵城渭源堡破蒙羅角抹水

巴等族焚其廬帳而還洮西大震遂城武勝建爲鎮

洮軍更名熙州置西河路以詔知熙州六年取河州
進破訶諾木藏城穿露骨山南入洮州連拔宕岷二
州壘洮羗酋皆以城附七年入朝還至興平聞景思
立敗於踏白城時征合宗哥首領青宜結鬼章之衆
圍河州詔馳至熙州選兵二萬直趨定羗城破結河
族斲夏國通路時征窮蹙丐降俘以獻詔入爲樞密
副使

趙 隆字子漸成紀人熙寧初從王韶取熙河大將
姚麟出戰被重創謂曰我渴欲死得水尙可活時泉

甘肅通志

卷三十一

名宦

八

近賊營隆獨潛往漬衣泉中賊覺隆且鬪且行得歸
持衣裂水以飲麟麟乃甦討鬼章斧其橋鬼章失援
乃成擒崇寧中鈐轄熙河兵將前軍出邈川復鄯廓
王君萬秦州人熙寧五年以秦鳳指揮使從王韶開
邊擢熙河路鈐轄洮西羗叛圍河州君萬請於王韶
以爲南撒宗城小而堅強勇所聚若併兵破之圍當
自解韶用其計已而果然

景思立普州人以蔭主渭州治平砦以功知德順軍
策應王韶取熙州過洮築當州堡克羗香子珂諾城

遂定河州詔言其臨事忠勇擢河州刺史又兼河州
團練使其州青宜結鬼章舉兵襲殺伐木卒害小
校七人以書抵思立詞不遜思立攻之於踏白城衆
寡不敵兵敗死之

苗 授字受之潞州人熙寧中從王韶取鎮洮爲先
鋒破香子城復與羗戰盡得河湟坤鬼章寇河州詔
授往一戰克撒宗論功第一遂知州事復知河州討
生羗於露骨山斬萬級獲冷鷄朴羗族十萬七千帳
內附威震洮西徙知熙州元豐中取定西降戶五萬

甘肅通志

卷三十一

名宦

九

城蘭州遇賊數萬於汝遮谷登山逆戰賊夜遁去授
踰天都山焚南牟屯凡師行百日轉鬪千里始入塞
劉仲武字子文秦州成紀人熙寧中遷熙河都監復
湟川徙知河州吐蕃趙懷德狼阿章衆數萬叛命仲
武相持數日潛遣二將領千騎叩其營戒曰彼出勿
與戰亟還伏兵道左二將還羗果追之遇伏兵大敗
斬首三千級復西寧州未幾懷德阿章降又羗王子
滅征僕哥降徽宗召仲武勞之官其九子

李 浩字直夫西河人元豐中爲熙河鈐轄討山後

羌至合龍嶺會戰遣降羌乞隍輕騎突敵帳俘其酋
冷鷄朴等遷安撫洮西五路大舉浩將前軍復蘭州
徙知蘭州兼熙河涇原安撫副使

王文郁字周卿麟州新秦人元豐中爲熙河將討靈
武文郁得羌戶萬餘遷鈐轄夏人圍蘭州已奪兩關
門文郁募死士夜縋而下持短兵突入賊卽掃營去
擢知蘭州謀知夏人將大入清野以俟夏果舉國趨
臯蘭文郁乘城禦之殺傷如積圖九日而解收其尸
爲京觀後以副都總管知河州築安西城金城關

甘肅通志

卷三十一 名宦

十一

孫路字正輔開封人元豐中通判河蘭二州元祐
初司馬光議棄河湟邢恕謂路嘗爲河蘭二州判官
在彼四年可問也光卽召問路挾輿地圖示光曰自
道遠至熙州纔通一徑熙之北已接夏境今自北關
辟土百八十里瀕大河城蘭州然後可以捍蔽若捐
以與敵則一道危矣光曰賴以訪君不然幾悞國事
後徙知熙州涇原城西安詔出師牽制其勢路卽將
衆臨會州遂建取青唐之策

王恩字澤之開封人神宗朝爲河州巡檢羌夏寇

蘭州恩搏戰城下中兩矢拔去復鬪意氣彌厲遷涇
原將哲宗朝護秦渭延熙四路兵城西安築臨羗天
都十餘壘羗圖平夏恩設伏要其歸師果大獲

劉舜卿字希元開封人元祐初知熙州夏人聚兵天
都山連西羗鬼章青宜結先城洮州將大舉入寇舜
卿使姚兕部洮西領武勝兵合河州熟羗擣講珠城
遣人間道焚河橋絕西援种誼部洮東由哥龍谷宵
濟拜金川黎明至洮州城下一鼓克之俘鬼章并首
領九人斬馘數千計遷馬軍都虞候

甘肅通志

卷三十一

名宦

十一

游師雄字景叔京兆武功人爲儀州司戶參軍歷德
順軍判官元祐初遷軍器監丞吐蕃寇邊其酋鬼章
青宜結乘間脅屬羗搆夏人謀分據熙河詔遣師雄
與邊臣措置便宜從事旣至謀知夏人聚兵天都山
前鋒屯通遠境吐蕃將攻河州師雄欲先發以制之
力請於帥劉舜卿分兵二道姚兕將而左种誼將而
右兕破六逋宗城斬首千五百級攻講珠城斷黃河
飛梁青唐十萬衆不得渡誼破洮州擒鬼章及大首

領九人斬首千七百級捷聞遷陝西轉運判官夏人

攻蘭之質孤勝如二堡師雄上言蘭州距賊一舍通
遠不百里非有重山複嶺之阻宜自蘭州李諾平東
抵通遠定西通渭之間建女遮納迷結珠三柵及護
耕七堡以固籬籬從之

蔣之奇字穎叔常州宜興人元祐中知熙州夏人論
和請畫封境之奇揣其非誠務脩守備謹斥堠常若
敵至終之奇任夏人不敢犯塞

范育字異之邠州人元祐中知熙州時議棄質孤
勝如兩堡育爭之曰熙河以蘭州爲要塞此兩堡者

甘肅通志

卷三十一

名宦

十一

蘭州之蔽也棄之則蘭州危熙河有腰膂之憂矣又
請城李諾平汝遮川曰此充國屯田古榆塞地也不
報入爲戶部侍郎卒紹興中採其抗論棄地及進築
之策贈寶文閣學士

王厚字處道韶之子少從父兵間暢習羌事官累
通直郎元祐中議棄河湟上疏陳不可不聽紹聖中
幹當熙河公事會賸征隴襁爭國河州守將王瞻與
厚同獻議復故地元符元年六月師出塞七月下邈

川降賸征九月次青唐隴襁出迎遂定湟鄯命厚知

湟州未幾湟鄯棄厚亦貶崇寧初安撫洮西以破多
羅巴功進熙河經畧安撫使

种 朴誼之子紹聖中爲熙河蘭會鈐轄兼知河州
安撫洮西沿邊公事河南蕃部叛屬羗阿章率他族
拒官軍朴至州方二日以熙帥胡宗回迫之使出討
遇伏首尾不相應朴力戰而死事聞贈朴雄州防禦
使官其後十人

穆 衍字昌叔河內人元祐初大臣議棄熙蘭衍以
爲蘭棄則熙危熙危則關中震議遂止熙河分畫未

甘肅通志

卷三十一

名宦

三

夬詔衍視之還言質孤勝如據兩川美田實彼我必
爭之地請界二壘間城李諾平以控要害及他城堡
皆起亭障以通涇原明年遂城李諾平名曰定遠衍
遷左司郎中

姚 雄字毅夫五原人紹聖中知熙州請城葫蘆河
川據形勝以逼夏方興役時夏人以其衆來乘雄部
熙河兵策授斬首三千級城成賜名平夏由知會州
徙河州种朴與羗戰没王瞻軍陷敵中雄自鄯至湟
四戰皆捷拔出之遂築安鄉關夾河立堡以護浮梁

通湟水漕運商旅負販入湟者如絡繹不絕

劉 齡字仲偃建州崇安人紹聖中王厚鎮熙州辟
爲狄道令提舉陝西平糴司河湟兵屯多食不繼齡
延致酋長出金帛易粟以餉軍公私便之遂爲轉運
使初熙河郡常貢毛褐段厚于例外增以遺朝貴齡
曰勿重困百姓厚從之

苗 履授之子元符初爲熙河蘭會都鈐轄知蘭州
受詔同王瞻取青唐與姚雄合兵討峽羗籤羅結與
羗戰羗宵潰明日縱兵四掠焚其族帳而還

甘肅通志

卷三十一

名宦

古

張叔夜字稽仲開封人元符間任蘭州錄事參軍州
地極邊恃河爲固每歲水合必嚴兵以備士不釋甲
者累月叔夜曰此非計也不求要地守之而使敵迫
河則吾計殆矣有地曰天都者介五路間羗人入寇
必先至彼黥集然後議所向每一至則五路皆竦叔
夜按其形勢畫攻取之策建爲西安州自是蘭無羗
患

种師道字彛叔徽宗時爲熙州推官尋知西安州夏
人侵定邊砦築佛口城師道率師平之始至渴甚師

道指山之西麓曰是當有水命工求之果得水滿谷
遷知渭州

何 灌字仲原開封祥符人徽宗朝徙熙河都監改
知岷州引邈川水溉田千頃湟人號廣利渠徙河州
提舉熙河蘭湟弓箭手入言漢金城湟中穀斛八錢
今西寧湟廓卽其地也葺渠引水使田不病旱則人
樂應募而射士之額足矣從之甫半歲得善田二萬
六千頃壯士七千四百人爲他路最

劉惟輔涇州人建炎三年爲熙河馬步軍副總管金

甘肅通志

卷三十一

名宦

五

婁室引兵犯熙河經畧使張深遣惟輔將三千騎禦
之夜趨新店金人恃勝不虞黎明軍進短兵相接殺
傷甚衆惟輔舞稍刺其先鋒字董黑鋒洞胸墜馬死
已而熙河陷惟輔走匿山寺欲圖恢復其親信軍詣
金師降金人執惟輔誘之百方不答金人怒摔以出
惟輔曰斬卽斬吾頭豈汝摔也顧坐上客王睿曰國
家不負汝遽降敵耶卽閉口不復言而死所部亦多
不屈俱被殺事聞贈昭化軍節度使立廟號忠烈

高子孺狄道人高宗時知蘭州龕谷砦金人陷熙河

子孺先刃其家而後死時馬步軍第六將韓青間行從劉惟輔爲金人所執罵不絕口而死

金徒單合喜上京人臨洮尹是時關陝以西初去兵革百姓多失業合喜守之以靜民多還歸後遷元帥楊仲武字德威保安人皇統中同知臨洮尹先是羌人苦邊將貪暴相率爲寇掠仲武入其營諭之曰將校侵漁汝等今已懲治並曉以禍福羌人喜悅寇掠遂息後仲武改河中羌復掠熙河詔復遣仲武比至諸酋驚喜乃折箭爲誓羅拜而去

甘肅通志

卷三十一

名宦

七

移刺成本名落兀其先遼橫帳人也太定初爲臨洮尹招降喬家等族首領名拜樞密使

陀滿胡土門字子秀貞祐三年知府事時夏人入寇圍臨洮土門夜襲其壘大捷夏人遁去正大末復爲臨洮總管元兵破臨洮土門被執誘之降不屈遂殺之

龐 迪字仲由延安人天眷中爲臨洮尹兼熙秦路兵馬都總管時隴右大饑流民四集迪開渠灌田流

民利其食居民藉其力各得其所郡人立碑紀其政

續大定初復爲臨洮尹

元田濟順泰定初爲臨洮府同知兼管本府諸軍與魯勸農事廉慎不欺吏民畏服

着思吉巴延祐初爲河州吐蕃宣慰使嘗置田贍學養育人才

祁安狄道人爲臨洮府尹以廉勤見稱

趙潘狄道人爲臨洮元帥歲饑發倉廩以賑貧乏給農民種粟二千餘石蕪菁子百石人賴不饑祁當孔道傳置旁午有司餒于供給潘以私馬百匹充驛甘肅通志

卷三十一 名宦

七

騎羊千口代民輸帝聞而嘉之命行省酬其直潘曰我豈以私惠而邀公賞耶率不受傳夢臣至治二年由陝西行省宣慰使爲金州判官下車首興學校有治績賢聲著於時

姚諒順帝至元初爲蘭州知州創建學校

明張溫洪武初指揮守蘭州時元將王保保以兵襲蘭州奄至城下溫謂將校曰彼衆我寡難與爲敵且彼遠來未知我虛實乘暮擊之可挫其鋒彼不退則

固守以待援於是整兵出戰保保兵稍却遲明溫收

兵入城敵兵圍城數重溫堅守保保進攻不利乃引去

于 光字大用南康都昌人磊落有大志洪武二年爲鷹揚衛指揮守鞏昌屢敗王保保軍及保保攻蘭州光將兵來援至馬蓮灘卒遇保保兵戰敗被執至城下使呼張將軍出降光大呼曰我不幸被執公等堅守徐總兵將大兵行至矣敵怒批其頰遂遇害城中聞光言守益堅

韋 正洪武初爲河州衛指揮使時河州新經王保

甘肅通志

卷三十一

名宦

大

保之亂城邑空虛嘗奏民間轉輸甚勞而茶布可以易粟以茶布給軍士令自相貿易庶省西民之力詔從之正日夜撫循軍民河州遂爲樂土

劉 釗直隸全椒人洪武末以陝西都指揮同知鎮守河州號令嚴明蕃族畏服永樂中領兵往烏斯藏賞諸國還遇蕃賊劫掠釗率衆破之在鎮三十餘年居民安堵歷都督同知

張 忠字友直太康人永樂初知蘭縣撫良善治奸

惡邑戶不及千數而遞送人役月有萬計忠奏軍民

協同遞送遂減三分之二縣地近黃河歲令脩造浮橋勞民費財奏行合府屬縣衙所同造民不爲害民間水利多爲勢豪所奪忠奏歸原主又將民田爲蓮塘並作草場牧養奏准照民間納糧並於空處牧養蘭民永受其福

林宗德山東掖縣人永樂初同知臨洮值旱禱雨三日不食已而大雨霑足

廖 莊字安實吉水人景泰中任大理寺卿以直諫謫河州定羗驛丞天順元年陞刑部侍郎去之日軍

甘肅通志

卷三十一

名宦

尤

民不忍舍于定羗寺豎碑刻像以誌不忘

何 信字文實信陽人渭源縣丞初爲藩司舍人成

化中關中大饑詔發漕粟萬石令南陽汝寧二郡發

卒萬人運至關中信言于藩司吳節曰關中米石不

過一金如令二郡卒人出金一兩卽罷若役使入關

糴粟可得萬石且免漕粟之苦二郡卒知役費日十

倍皆踴躍從之民力不勞而關中全活甚衆及爲縣

丞會御史行縣簿尉以下皆跣走奉輿馬輒數十里

信歎曰可以去矣遂棄官歸

李進山西大同人正統中以山東都司指揮僉事
守備蘭州廉能有爲更多營建置哨馬營於河北大
岔口外築金城東西三關及北門外水門一甕城一
俾便於汲水且捍矢石造軍器每成刀以鐵鋌試矢
鎗以甲冑試視堅脆利鈍爲賞罰又造兵車三百餘
乘上爲板屋前後左右爲傍牌圖狻猊形於上而口
眼爲孔以出火器每車神鎗十斬馬砲五九龍筒一
五人一車行則衣糧附載之又築展新關於東門外
教場關於南門外其餘有益地方者罔不畢舉致政
甘肅通志

卷三十一

名宦

三

還空城追送哭聲震野彭澤爲之傳

熊概字大節商城人成化間任臨洮知府地當寧
夏河西之衝二鎮諸務皆取辦於此概悉心經畫咸
中機宜

黃端河南人成化中初改蘭縣爲州知州事公署
學校皆其創建事集而人不告勞

李紀山西潞州人弘治中以錦衣衛經歷陞臨洮
知府廉明公慎處事平恕念邊民寒苦噢咻如子歲
饑捐俸以賑教士子先德行而後文藝葺城建堞延

表數十里終紀任敵不敢犯邊去之日囊篋蕭然百姓攀送塞途

李 杲洪洞人弘治中臨洮同知管蘭州倉場民歌之曰官攢無鼠偷監收得李侯收支不留難軍民兩下安草場失火民懼杲得罪爭爲償納其得人心如此

吳 璇字世美高唐人弘治中知河州以邊俗積玩首鋤強暴治民多惠政恩威並著軍民畏服

吉 陳直隸人嘉靖十四年知河州清介自持請托

甘肅通志

卷三十一

名宦

三

不行時衛軍強橫成正以法遠近凜然當道獎云嚴明之政大讐豪強清苦之操不殊寒士時論以爲實錄

楊繼盛字仲芳容城人嘉靖中以兵部員外諫馬市貶狄道縣典史地居臨洮山中民不畏法比至翕然稱神明監司有難獄輒問楊典史少暇則進諸生講說文藝因買東山立書院居諸生卽羗人子弟咸引領受教諸生日衆無所取食乃鬻乘馬及夫人服裝

買民地二百畝資諸生給筆札又引洮水灌地地益

饒邑有煤山番人制之不開仰薪二百里外乃單騎
召番人諭之咸服曰楊公卽須我穹帳亦舍之况煤
山也居三年吏民呼楊父諸生稱霸西夫子

張翼莊浪人隆慶初河州參將治兵有紀律尤重
民事與州守聶守中開渠灌田復于水靈寺口黃河
補建摺橋以便往來徧行河北大通堡一帶相地設
險修築邊牆威肅三軍恩被百姓

孟孝臣山西榆次人蘭州參將朴質有膽畧與士卒
同甘苦萬曆十八年火落赤入寇渡大夏趨寧河孝

甘肅通志

卷三十一 名宦

三

臣奉檄應援大戰和政驛殺酋子袍罕免長及壻拜
言他卜囊又斬虜衆十餘級敗之總兵劉承嗣與虜
戰於朱家山兵敗遊擊劉子都等皆死承嗣被追且
亟孝臣力救得免

聶守中三河人隆慶中知河州預防外患建南關新
城民稱不便考十九竟力築之後敵犯境賴以保障
清丈田糧除豪猾嚴考課風清弊絕民至今懷思

夏鏗字梅原四川大足人萬曆九年知臨洮府是

時洮雖腹裏而羗距河湟下達鏗慮河湟危則洮必

危請於當途議蓄客兵糧三千石草四萬束以備不虞後邊有警大濟軍需人皆服其先識

岳維華字三峯曲周人萬曆十八年知臨洮府性鯁介不喜浮華政尚廉平而威足懾衆時火曾入犯人心危懼維華旦暮登城調度防守撫恤士卒不辭勞瘁敵掠四境復督遣民兵相機擊之城賴以全

皇清季

仝字子雙真定人西寧鎮標遊擊吳逆變提督

張勇與總兵王進寶恢復臨洮時軍務孔亟以仝有

文武才

題授臨洮知府仝招集難民流移復業調

甘肅通志

卷三十一

名宦

三

停輓運軍需不悞而民不擾當地方甫定之日人皆服其綜理有才兵民感頌

王之鯨黃岡人知金縣前令王鯢化因虧空倉糧二

千餘石繫獄逮役四十餘人追比待斃之鯢到任查

邑有逃亡荒地捐貲買牛種給在事各役墾種計歲

所獲除完糧外卽以貯倉三年如數補足倉儲充實

鯢化得釋歸里各役免罪仍不累民又興屯多屬捩

報金民苦累鯢力請蠲免歲饑民鬻子女者代贖還

之仍周以粟建社學以訓邑子弟金民勒石頌之

漢鄼 商高陽人項羽入秦立沛公爲漢王以商爲隴西都尉別將定北地上郡

袁 盎安陵人文帝時爲郎中郎將數直諫調爲隴西都尉仁愛士卒卒皆爭爲致死

種 嵩字景伯洛陽人由梁州刺史遷漢陽太守嵩至郡化行於遠近懷撫羗人禁止侵掠烏孫等皆順服

傅 燮字南容北地人爲漢陽太守善卹人叛羗感

甘肅通志

卷三十一

名宦

肅

恩悉來降附乃廣開屯田列置四十餘營時治中程球以奸利失衆金城賊王國等殺球遂進圍漢陽漢陽兵少糧盡燮猶固守而北地賊羗數千隨賊攻郡皆風懷燮恩共於城外叩頭願送燮歸故鄉里子幹諫從其計燮歎曰食祿欲避難乎吾行何之吾必死國遂麾左右進兵戰歿諡壯節侯

龐 參字仲達緱氏人舉孝廉爲漢陽太守郡人在

棠有奇節參到先候之棠不與言而示之以意參悟其旨歎息而還在職抑強鋤弱以惠政得民元初時

代侯霸爲護羌校尉以恩信招誘畔羌號多等帥衆詣參降官至太尉

蓋勳字元固敦煌人漢陽太守時人饑相食勳調穀稟之先出家糧以率衆存活者千餘人

耿种秉長子漢陽太守招降羌種三千餘戶

橋元字公祖梁國睢陽人爲漢陽太守時上邽令皇甫正有賊罪元收拷髡笞死於冀市一境皆震

溫序太原祁人建武六年拜謁者遷護羌校尉序行部至襄武爲隗囂將苟宇所拘劫序曰受國重任

甘肅通志

卷三十一 名宦

重

義不肯恩字等復曉譬之序大怒叱字等曰爾何敢逼脅漢將因以節撻殺數人賊衆爭欲殺之宇止之曰此義士死節可賜以劍序受劍銜鬚於口顧左右曰旣爲賊所迫殺母令鬚汚土遂伏劍而死光武憐之賜塚塋焉除三子爲郎

隋辛公義狄道人開皇初除岷州刺史岷俗畏疫一人有疾合家避之病者多死公義欲變其俗凡有疾病者皆舉來安置聽事廳廊悉滿公義親設一榻晝夜

處其間所得秩俸盡用市藥迎醫療之病者多愈召

其親戚喻之諸病家子弟慙謝而去合境之內呼爲
慈母後遷并州刺史

皮子信爲洮州刺史開皇三年吐谷渾寇臨洮子信
死之

唐柴 紹晉州臨汾人武德中爲將吐谷渾寇洮州紹
爲賊所圍賊乘高射矢下如雨紹遣人彈琵琶令二
女子對舞賊怪之相與聚觀紹察其無備潛遣精騎
出賊陣後擊之賊衆大潰

安敬忠開元中爲會州刺史時河流橫浸州城敬忠

甘肅通志

卷三十一 名宦

三

率兵作堰於是水西北流免衝決患

宋張守約漢州人神宗時鬼章圍岷州守約以秦鳳鈐
轄提敢死士鳴鼓張幟高山上賊驚顧而遁遂知岷
州降其首領千七百人

高遵裕字公綽瓊之孫熙寧中從王韶取岷州下令
曰生獲老幼與得級同全活者以數萬捷聞加岷州
利史

種 諤字子正洛陽人熙寧中知岷州董氈將鬼章

聚兵洮岷新羌多叛諤襲擊破之又出塞收洮州

种 誼洛陽人元祐初知岷州鬼章誘殺景思立後
益自矜大使其子詣宗哥請益兵入寇且結屬羌爲
內應誼請除之詔遣游師雄就商利害遂與姚兕合
兵出討追奔至洮州晨霧蔽野誼親鼓之有頃霧霽
先登者已得城鬼章就執謂人曰我生惡种使今日
果爲所擒

姚 兕五原人以熙河總管討鬼章於洮州破六逋
宗城遂擒鬼章拜通州團練使

姚 雄字毅夫五原人哲宗時知會州開廣土地愛
甘肅通志 卷三十一 名宦 宅

養黎庶又知岷州紹聖中渭帥城平夏夏人傾國來
雄部兵策援大破之城成擢秦州刺史

章 棗浦城人知會州深得軍民之心元符元年夏
人入寇陷會州棗爲經畧使帥師大敗之克復有功
初知渭州卽言葫蘆河川形勝宜城以偏夏遂築二
城於石門峽又築安西城夏衆來乘棗迎擊敗之邊
功爲西方最

何 灌知岷州葺渠溉田二萬六千募射士七千

餘人爲他路最

劉錡字信叔仲武子高宗錄仲武後召見奇之差
知岷州爲隴右都護與夏人戰屢勝夏人兒啼輒怖
之曰劉都護來張浚奇其才以爲經畧使兼知渭州
後以順昌戰功爲節度使兼沿淮制置使

郭成字信之中安堡人守隴西羌人畏服邊境輯
寧

王淵字幾道熙州人知鞏州寧遠砦諸羌入寇經
畧司討之表淵總領岷山蕃兵將城潭州羌衆來爭
淵奮擊大破之

甘肅通志

卷三十一 名宦

三

陳寅紹定中知西和州元兵入境屢攻却之元兵
增至數十萬圍城外援不至城陷寅謂妻杜氏曰若
速自爲計杜氏厲聲曰安有生同君祿死不共王事
者卽飲藥自殺二子及婦俱死母傍寅斂而焚之乃
朝服登戰樓望闕號泣曰城之不存臣死分也恨無
以報國再拜伏劍而死事聞立廟祀之贈文華閣待
制謚襄節

賈子坤字伯厚潼川人爲西和州推官攝通判關外
被兵與陳寅誓死城守及城陷子坤亦朝服與其家

八十二口死之

郭祖德爲會州統制兵馬築堡保障軍民懷思

金郭蝦蟆會州人與兄祿大俱以善射應募興定初祿大以功授會州刺史夏人攻會州祿大遙見人馬中有金甲者一發中其吭噎之又射一人矢貫兩手於樹敵大驚城破祿大蝦蟆俱被執夏人憐其技囚之兄弟誓死不屈其後兄弟謀奔會祿大竟爲所殺蝦蟆獨拔歸興定五年夏人侵定西蝦蟆敗之以功遷同知臨洮府事元光二年授通遠軍節度使冬蝦蟆

甘肅通志

卷三十一

名宦

三

與鞏州元帥毋瑞攻取會州城上有舉手於懸風版者蝦蟆射之手與版俱貫凡射死數百人夏人乃出降正大初田瑞據鞏州叛蝦蟆帥衆先登以功進都總管元帥天興三年甲午春金亡獨蝦蟆堅守孤城元兵悉力攻之蝦蟆日與血戰殺傷甚衆度力不能支乃命積薪自焚其家人蝦蟆獨上大草積發數百矢無不中者矢盡自投於火城中無一人肯降者土人爲立祠

愛 申興定中兵馬都總管任定西州刺史卓有惠

政

趙阿哥昌豐州安撫使時兵興城無居人昌至則招逃亡立城壘課耕桑以安輯之

郭斌正大末會州將元兵圍會州斌力戰累旬城將陷乃驅妻子聚一室焚之已而自投火中有婢自火中抱兒出泣授人曰將軍盡忠忍使絕嗣此其兒也幸哀而收之言畢婢復赴火而死元將按竺邇聞之惻然爲保其孤

明馬華字德輝六合人洪武時掌岷州衛指揮負性

甘肅通志

卷三十一

名宦

三

嚴毅才兼文武始築東西二城立樓置門伐木通道

繕甲兵練士卒建學校衙署橋梁烽堠營堡郵驛倉

廩壇社廟宇之屬以次修舉十五年夏羌戎爲亂上命率西安五十衛步騎二萬直抵壘城討之殲五千餘衆番羌聞聲竄伏邊疆以寧陞陝西都指揮使

牛勵博平人洪武間知通渭縣公勤廉幹撫民有

方九年考滿父老奏留復任又九年以貧不能還遂

籍於縣

孫亶江陰人進士永樂中知鞏昌府在郡多善政

平役省刑官滿當代民上章乞留加俸二級復任政績益茂

李 達定遠人永樂中以都督僉事鎮守洮州洮地僻近邊民皆勁悍達奏建儒學以興文教撫胎生蕃內附奏給金符每歲納馬後爲定制

尹 陳信陽人宣德中安定知縣勸農脩學政教兼舉吏畏其威民懷其惠

后 能岷州人元哈撒兒之孫世襲指揮宣德元年調岷州領軍征松潘等羗有功鎮守岷三十餘年號

甘肅通志

卷三十一

名宦

三

令嚴明蕃人畏服

韓 福山東人正統初知鞏昌府刻暴除奸寬猛得宜遠近以神明稱治行爲秦中首秩甫去父老爲泣涕豎碑尋擢都察院右僉都御史

房 貴寧夏人正統二年守備建置靖遠城垣公解墩塘事竣奏設學校倉場驛遞又奏討楚府牧軍七百以資戰守百務聿舉事安人安歷二十年都御史耿九疇薦進署都指揮使回司掌印

胡 智瀏陽人天順中知漳縣歷任九年政通人和

賦平訟簡值天旱脩渠引水灌溉田疇遇溝則架木槽以通之實惠及民民思之不忘

戴 浩浙江鄞人景泰初知鞏昌府適邊患方熾浩輯民飭武郡賴以安歲大祲不俟報卽發儲三萬賑之當路援法論浩浩上疏待罪曰臣願以一人之命易千萬人詔原浩而令民償所貸或檄浩促之浩曰瘡痍未復而速征不如無賑請以約三歲償之明年復旱浩禱之三日卽雨隴闢盜梗計擒其黨而盜息

王 珣新安人景泰初任伏羌拓脩縣城穿渠種植

甘肅通志

卷三十一

名宦

三

寬仁惠愛政績茂著

秦 紘單縣人景泰時鞏昌知府廉潔公正人不敢干以私

董 敬禹州人成化三年知通渭營建城池爲民保障九年致政歸其勞績至今誦之

孫 春字一元河南尉氏人弘治初知鞏昌府若官清勤持法平恕興立學校增建公署後陞都御史

邢 壻昌邑人弘治間鞏昌推官巨盜被繫株連枝

引經歲不決壻一讞成獄嘗攝府縣篆明決若神人

爲歌曰朝視府夕視縣府如衙縣如鑑其得民如此
裴紹芳山西靈石人弘治間知伏羌存心忠誠蒞政
仁恕民有謠云縣令裴性和夷愷悌慈祥處處知宣
上德慰民思澤若陽春逗柳枝黃童白叟盡舒眉
朱 裳字公垂直隸沙河人御史出知鞏昌府俗朴
不務學裳振興文教郡以大治嘉靖初察舉天下郡
守治行高者賜燕勞得八人裳以清名與焉

張居敬字伯簡趙州人鞏昌同知三覈邊餉再攝郡
符直指西巡咸舍司理而任居敬精明廉幹不負所

甘肅通志

卷三十一

名宦

三

委五年報政陞知本府凡所經畫悉皆實政議驛傳
議條編皆朝上計夕報可閑墨吏人重犯法案無滯
牘陞憲副

張世應字懷陽湖廣石首人知鞏昌府初至人以年
少易之旣下車投訟者百餘人次其先後俱令次日
候鞠老吏黠胥腹笑之至期聽兩造出判斷數言立
決無不盡理兼寓化誨其無情甚者酌輕重笞遣之
於是人人駭服事有阨於上不便於民者輒出身爲

民請命合屬向風郡以大治三年陟苑馬卿備兵莊

浪

田 選山西汾州人選貢任靖遠同知下車值歲荒
勸民出粟以救饑殍開發倉庾以濟軍士設糜煮粥
躬親給散清勘屯地豪猾兼併詭寄者悉爲釐正
王繼夏尙嵐人知寧遠邑當通衢且地磽瘠民艱於
賦困於役繼夏乃勸比其俗差爲等捐欠費禁苛取
平均置驛之序歲時行鄉落勸農力耕覈社倉教積
貯墾荒萊招流亡因山就澤聽民自利不爲禁庾橐
旣充喜曰民可以教矣舉鄉約申六訓延見諸生考

甘肅通志

卷三十一

名宦

焉

德問業又增築牌堞鑿渠引水百姓利之爲立祠
應昌士台州臨海人明末知安定縣闖賊縱橫所過
無完邑昌士與捕官葉暹城守賊至環圍旬日矢石
交攻不能下先是舊令王垣四川文人也以署會寧
縣篆爲賊所執至是驅以說城下垣請登城說之旣
上乃勗以死守賊遂斫垣於城上衆薄而登城遂陷
昌士毅然不屈賊磔之

皇清龔佳育字祖錫浙江仁和人由吏員康熙二年知安

定縣自明季寇虐後廬舍焚毀流移未復民多逋賦

育以徵糧耗羨盡歸公帑抵民積欠於是遺額盡完
而前令被劾者皆得釋歸城內空虛造房數百間招
人居止修葺學宮并城隍廟以德化民獄無繫囚先
是上司吏胥購差日至需索無厭佳育甫到任持檄
者四十餘輩有臬胥作威凌吏胥官者執而杖之又
有詭言受指訪事覘令貪廉者止縣舍索吏民錢旣
盈囊尙未厭值令升堂胥昂然來吏民投牘育遣卒
至其舍搜得贓物決以重杖自是無敢至縣者後陞
戶部主事歷太常寺卿

甘肅通志

卷三十一 名宦

三

平涼府

漢王 尊字子贛涿郡高陽人安定太守出教告屬縣令長丞尉正身率下故行貪鄙能變更者與爲治明慎所職毋以身試法又敕掾功曹各砥厲助治其中用趣自避退毋久妨賢五官掾張輔貪污不軌捕繫獄數日死盡得其奸贓威震郡中盜賊分散

蕭 由字子驕杜陵人前將軍望之子爲丞相西曹掾舉賢良累遷安定太守治郡有聲公卿多稱薦之

張 奐字然明燉煌酒泉人永壽元年遷安定屬國

甘肅通志

卷三十一

名宦

三

都尉初到職左冀韃等寇美稷東羌應之而奐壁惟有二百許人聞卽勒兵出進屯長城遣將王衛招誘東羌使寇不得交通遂破之郡界以寧羌豪帥感奐恩德上馬二十四匹先零酋長又遺金鏐八枚奐以酒醑地曰使馬如羊不以入廐使金如粟不以入懷悉以金馬還之羌性貪而貴吏清前有八都尉率好貨財爲所患苦及奐正身潔已威化大行

晉賈 疋字彥度武威人疋勇畧有志節初辟公府遂

歷顯職遷安定太守以匡復晉室爲己任愍帝以疋

爲驃騎將軍封酒泉公時劉曜等攻竺恢於西平疋
邀擊大敗之追至甘泉遂迎秦王奉爲皇太子後墮
洞過害人咸惜之

姚頌德與之叔父也襄卒與以頌德鎮陰密將佐言
於頌德曰公威名宿重部曲最强今喪代之際朝廷
必相猜忌非永安之道宜奔秦州觀望事勢頌德曰
太子志度寬明必無疑阻今苻登未滅而自尋干戈
所謂追二袁之蹤授首與人吾死而已終不若斯及
至興優禮而遣之鎮

甘肅通志

卷三十一

各宦

毛

南北朝魏盧道裕字寧祖涿州人少以學行名尙獻文
女拜駙馬都尉遷涇州刺史吏民愛之

寶 熾字光成扶風平陵人大統中爲涇州刺史政
號清靜蒞職數年除原州刺史抑挫豪右申理幽滯
政暇卽親巡隴畝勸民耕桑在官十載甚有政績州
城北有泉水熾屢經游踐因酌水曰吾在此州惟當
飲水而已及去後人感其遺惠每至此泉莫不懷之

費 穆字朗興代人宣武初爲涇州長史時刺史皇

甫集侍外戚多爲非法穆正色匡諫集憚之轉安定

太守後蠕蠕王婆羅門歸降其部衆因饑侵掠邊邑詔穆仰命宣慰便皆款附明年復叛入寇涼州除穆西北道行臺往討穆至涼州蠕蠕遁走穆簡練精騎伏於山谷使羸劣之衆爲外營以誘之賊騎競至穆縱伏奮擊大破之

李賢字賢和隴西成紀人爲原州都督大統二年州民豆盧狼據城叛賢率敢死士擊破之狼遁走賢追斬之以功授原州刺史俄而茹茹圍逼州城賢發兵擊之斬獲不可勝計人得安堵賢雖少從戎旅而

甘肅通志

卷三十一

名宦

三

頗閑政事撫導鄉里甚得民和宇文泰至原州令賢乘輅備儀服以諸侯會遇禮相見進爵西河郡公

李遠字萬歲賢之弟正光末勅勒賊胡琮侵逼原州遠率勵鄉人喻以節義深壁拒守除原州大中正後從征寶泰復弘農授都督原州刺史宇文泰謂遠曰孤之有卿若身之有臂豈可暫輟本州之榮乃私事耳令居麾下

于翼字文若代人周閔帝時爲渭州刺史翼兄寔先蒞此州頗有惠政翼又推誠布信夷夏感悅比之

大小馮君焉

隋元 褒原州總管有商人爲賊劫其人疑旦宿者執之官褒察其寃遂捨之商人詣闕訟褒受金縱賊文帝怒遣使詰之褒引咎遂免官盜尋發上詔褒論之曰何至自誣褒曰臣受委一州不能息盜臣罪一也百姓爲人所誣不付法司卽放免臣罪二也不存形迹至今爲物議所疑臣罪三也臣又不言受金使者復有所窮究橫及良善益重臣罪是以自誣上歎異稱爲長者

甘肅通志

卷三十一 名宦

五

趙 軌洛陽人衛王爽爲原州總管軌爲司馬在道夜行其左右馬逸入田中暴人禾軌駐馬待明訪知禾主酬值而去原州吏民聞之感勵莫不改操

唐劉 威岐州鳳泉人武德初以驃騎將軍鎮守涇州爲薛仁果所圍糧盡城陷威率衆與賊戰被擒令威約城中降威給諾擁至城下威大呼曰賊大饑亡在旦夕秦王將數十萬且至勉之無懈仁果怒執威埋其半身馳射之感至死晉益甚賊平高祖購得其屍

祭以少牢

馬 璘岐州扶風人爲涇原節度使建涇州城在涇
八年繕屯壁爲戰守具令肅不殘人樂爲用寇不敢
犯爲中興銳將初涇卒有犯法者璘愛其勇欲活之
毀秀實曰將有愛憎而法不一雖韓彭不能爲理璘
善其議捕卒竟殺之

李 晟字良器洮州臨潭人年十八歲從王忠嗣擊
吐蕃悍酋乘城殺傷士甚衆晟一矢殪之大曆初吐
蕃寇靈州李抱玉授晟兵五千使擊之辭曰以衆則
不足以謀則多乃請千人趨臨洮屠定秦堡執其帥

甘肅通志

卷三十一

名宦

早

慕容谷鍾虜乃解靈州去遷涇原四鎮北庭兵馬使
馬璘與吐蕃戰鹽倉敗績晟率游兵拔璘以歸及定
朱泚之難晟以涇州倚邊數戍其帥請治不襲命者
因之訓兵積粟實塞下羈制西戎乃拜晟鳳翔隴右
涇原節度使兼行營副元帥徙西平郡王

段秀實字成公姑臧人爲涇州營田官大將譙令謹
取人田給與農曰且熟歸我半是歲旱譙督責益急
秀實賣所騎馬市穀代償及爲刺史別將王童之謀
作亂紿聞警鼓而縱秀實知之召鼓人陽怒失節戒

曰每籌盡當報因延數刻盡四鼓而曙童之不果發
後節度涇原吐蕃不敢犯塞

馮河清京兆人涇原兵馬使數與吐蕃戰有功名聞
軍中姚令言犯闕德宗幸奉天河清聞問與領州事
姚况召諸將計事東向哭相勵以忠義卽發備鎧完
仗百乘獻行在所初帝之出六軍倉卒無良兵及河
清輸械至披堅勒兵軍聲大振卽拜河清涇原節度
使安定郡王况行軍司馬朱泚數遣謀人招之河清
輒斬以徇

甘肅通志

卷三十一

名宦

聖

姚况建中時領涇州事德宗狩奉天况與馮河清
聞之集將士激以忠義發甲兵輸行在所詔况爲行
軍司馬

李元諒安西人驚敢有謀貞元三年吐蕃請盟詔以
軍從渾瑊會盟平涼元諒軍潘原以爲援元諒謂潘
原去平涼七十里如有急何以赴請與公連屯瑊不
聽元諒密徙營次之旣會元諒望雲霧曰不祥必有
變傳令約部伍俄而敵果劫盟瑊奔還元諒兵成列

出敵乃去瑊得振旅徐還帝聞之嘉歎賜良馬金幣

後爲隴右節度闡美田勅士墾藝歲入粟數十萬斛
又築連弩臺遠烽偵進據勝勢始列新壁敵遂無所
掠涇隴以安

裴 識開喜人涇原節度使鎮平涼修保障整戎器
開屯田初將士守邊或積歲不得還識立沿邊將士
限滿者代之就近戍由是人人感悅加檢校刑部尙
書凡歷六節度所蒞皆可稱述

劉 昌字公明汴州開封人善騎射貞元中拜涇原
節度使城平涼開地二百里扼彈箏峽又西築保定

甘肅通志

卷三十一

名宦

昱

扞青石嶺凡七城二堡旬日而就在邊凡十五年身
率士卒墾田三年軍有美食邊陲安寧將士骸骨暴
露昌始瘞之夕夢若詣昌謝者昌具以聞德宗命建
二冢將曰旌義士曰懷忠葬淺水原詔翰林學士爲
銘識其所昌率諸將祭之邊兵莫不感泣

郝 玘涇原裨將貞元中鎮臨涇雄鷲善戰屢破吐
蕃常請於帥以臨涇洛口地其川沃衍宜畜牧築城
益軍以伐謀前帥不能用及段佑節度涇原嘉其策

請於朝元和三年詔城臨涇爲行原州以玘爲刺史

成焉玘在邊三十年每戰輒克吐蕃不敢近虜大畏
嘗稱其名以怖啼兒遷涇原行營節度使封保定郡
王贊普常等玘身鑄金象令於國曰得生玘者以金
玘償之朝廷畏失名將徙慶州

朱忠亮字仁輔汴州浚儀人憲宗時爲涇原四鎮節
度使綜覈軍籍得竄名者三千人吏白老卒不任戰
可罷忠亮曰古于老馬不棄况戰士乎聞者感奮又
涇俗舊多賣子亮以財贖免者前後數百築潘原城
有勞

甘肅通志

卷三十一

名宦

聖

周 寶字上珪平州盧龍人涇原節度使務耕力農
聚糧二十萬斛時號良將

五代王 殷大名人晉天福中拜原州刺史殷事母以
孝聞欲與人遊必先白母母所不可者卽不敢往反
爲刺史政事有小失母輒責之殷卽取杖授婢僕自
笞於母前

趙 遠幽州人初充六軍判官歷涇州判官居官清
廉民懷其政

宋白重贊憲州人習古兵法嫻於將畧知涇州涇人賴

以安靖

孫繼鄴金陵人涇原路副都總管兼知渭州建言蕭
關故道前控大川賊騎所出誠得屬羌與奉賜且羈
其帥長使爲籓籬則可無西顧之憂矣

張齊賢字師亮曹州人李繼遷陷清遠軍命齊賢爲
涇原等州軍安撫經畧使齊賢上言清遠軍陷沒以
來靈武一郡援隔勢孤此繼遷所覬覦而必至者也
以事勢言之加討則不足防遏則有餘能以官爵恩
信結蕃部大族首領素與繼遷有隙者使相攻奪我
甘肅通志
卷三十一
名宦
畧

乘敵而擊之則繼遷可滅也時不能用靈州果陷後
繼遷復入寇齊賢分部諸將却之邊陲遂寧又言邊
事利害甚悉西人懷之

趙昌言字仲謨汾州孝義人知涇州當官無所顧避
以威斷立名太宗嘉之

李繼隆字霸圖上黨人至道二年爲靈環十州都部
署初饋餉靈州必由旱海踰冬及春芻粟始集繼隆
排衆議堅請徑古原州蔚茹河路太宗許焉遂率師
進壁古原州令如京使胡守澄城之是爲鎮戎軍

李繼和字周叔常從兄繼隆征代繼隆請城鎮戎尋
棄之咸平中繼和再請遂命繼和知鎮戎兼渭原儀
都巡檢使復築焉加領平川刺史繼遷築鷲命張齊
賢梁灝經畧因訪繼和邊事繼和上言鎮戎軍爲涇
原環慶渭儀秦北百屏蔽當回鶻西涼六番諸族之
路誠用步騎五千守之涇原渭州有急會此併力戰
守則賊不敢越而邊民熟戶俱安堵矣五年繼和率
兵破衛理族于天麻川自是隴外諸族皆懼願於要
害樹砦柵以爲戍守繼和因請移涇原部署于鎮戎
甘肅通志

卷三十一

名宦

壘

爲環延應援眞宗嘉納夏人何間夜填塞壕越長城
攻城繼和與都監史重貴破走之詔加獎賜繼和習
武好方畧涉書史多機警然性剛嚴部兵終日擐甲
如寇至故軍多戒備焉

薛 奎字宿藝絳州人至道咸平中任儀州推官嘗
部民夫轉糧至鹽州會久雨粟麥汜腐奎白轉運使
盧之翰縱民還州而償所失翰怒欲劾之奎徐曰用
兵久人疲轉餉今幸兵食有餘安用此陳腐以困民

奎在郡凡不便于民者皆奏除之

柴禹錫字元圭大名人爲鎮戎軍節度使知涇州入
謝上謂曰今委卿旌節兼之重鎮可謂優異矣禹錫
流涕哽咽旣之任寬厚愛民凡土產諸物循例歲貢
不入私橐

陳 興澶州人咸平三年知鎮戎軍上言鎮戎軍南
去渭州瓦亭砦七十餘里有二堡請留兵三百人
戍之俄與曹瑋秦翰領兵抵鎮戎西北掩擊擒斬無
算詔書獎賜有加

曹 瑋字寶臣靈壽人彬之子同知渭州時年十九
甘肅通志 卷三十一 名宦 吳

治軍嚴明賞罰立決知鎮戎軍以軍據平地便於騎
戰非中國之利請自隴山以東循古長城塹以爲限
又以弓箭手皆土人習障塞蹊隧曉羌語耐寒苦官
未嘗與兵械資糧而每戰輒使先拒賊恐無以責死
力遂給以境內閒田春秋耕歛而蠲其租李繼遷死
其子德明請命于朝瑋請以精兵出不意禽德明送
闕下復河西爲郡縣帝不許旣而數大族拔帳來歸
瑋曰德明野心急折其鬪卽日將其士薄天都山受

降者內徙德明不敢拒瑋嘗上涇原環慶兩道蜀帝

勅別繪二圖一留樞密院一付諸將按圖計事復爲
涇原路都鈐轄兼知渭州隴山諸族皆來獻地築堡
山外爲籠竿城募土兵守之曰異時秦渭有警此必
爭之地也

陳堯佐字希元閩中人知渭州有惠政邊境賴以安
張綸字公信潁州汝陰人知渭州徙鎮戎軍仁恕
有才畧所至興利除害後歷知秦州

盧鑑字正臣金陵人知儀州有德政李繼遷聲言
欲襲儀之制勝關諜者以告詔徙老幼芻粟于內地

甘肅通志

卷三十一

名宦

四

鑑曰此奸謀也徙之是示敵弱搖民心不敢奉詔卒
不徙已而賊亦不至

陳貫字仲通河陽人知涇州督察盜賊禁戢遊閒檢
飭簿書筦庫賦租出入謂僚屬曰視縣官物如已物
容有姦乎州人憚其嚴明擢利州路轉運使歲饑出
職田粟賑饑者又帥富民令計口占粟悉發其餘
范祥仁宗時爲鎮戎軍通判元昊入侵圍城急祥
率將士拒退之請築劉蕃堡定川砦從之

王仲寶字器之高密人天聖初知鎮戎軍有戰功爲

涇原路總管安撫副使與西羌戰於六盤山俘馘數百人會任福敗於好水川別將朱觀被圍於姚家堡仲寶援觀出圍乘以從馬時諸將皆沒獨仲寶與觀得還以功徙環慶路總管知慶州

侯 可字無可華陰人簽書儀州判官西夏寇邊可
以數十騎涉夏境按視猝與敵遇亟分其騎爲三四
令張旗幟旋山徐行夏人疑以爲誘騎不敢擊人服
其智

程 戡字勝之許州陽翟人知渭州陝西有保毅軍
甘肅通志

卷三十一

名宦

吳

人苦其役戡奏曰保毅在鄉兵外不黜而有籍所以
佐邊備也已隸保捷而保毅籍如故州縣以供力役
率困憊至破析財產售田者猶數戶出一夫民不勝
苦因詔私役保毅者以計傭律坐之進樞密直學士
鄭 戢字天休吳縣人爲陝西四路都總管駐涇州
初靜邊砦主劉滬謀築水洛結公二城以通秦渭援
兵招生羌大王族爲邊衛戢使著作郎董士廉督其
役會戢罷尹洙以爲不便召滬與士廉罷役歸不聽

戢力爭于朝卒城之

劉 滬字子濬保塞人康定中爲渭州瓦亭砦監押擊破党留等族獲牛馬萬計時任福敗邊城晝閉居民畜產多爲賊掠滬獨開門納之全活甚衆西南有水洛城川平土沃又有水輪銀銅之利環城數萬帳漢民逋逃者歸之教以百工商賈自成完國滬進城章川收善田數百頃以益屯兵密使人說城主鐸厮那令內附會鄭戩行邊滬遂致鐸厮那族帳以水洛地來歸戩令滬將兵受之驅其衆隸麾下以通秦渭之路遷內殿崇班戩又遣董士廉率兵助築城會戩

甘肅通志

卷三十一

名宦

吳

罷涇原帥以爲不便令罷築滬不聽上遣使往視以滬權水洛城砦主城成尋復內殿崇班滬卒番漢留堯水洛建祠立碑記事經畧言熟戶蕃官願得滬子弟主其城乃以其弟淳監水洛城兵馬後賜廟額曰忠勇贈忠烈侯

尹 洙字師魯河南人葛懷敏韓琦范仲淹經畧涇原皆以洙爲判官後歷知涇州渭州自元昊不庭洙在兵間最久於西事尤習其爲兵制之說述戰守勝

敗盡當時利害

滕宗諒字子京河南人知涇州葛懷敏敗於定川諸
郡震恐宗諒顧城中兵少乃集農民數千戎服乘城
又募勇敢諒知寇勢檄報旁郡使爲備會范仲淹自
環慶引蕃漢兵來援宗諒乃大設牛酒犒師又籍定
州戰沒者祭酌之厚撫其妻孥于是邊民以安

王珪開封人爲涇州都監康定初元吳玠鎮戎軍
珪以三千騎爲先鋒自瓦亭至獅子堡敵圍之數重
珪奮擊披靡獲首級爲多珪復語其下曰兵法以寡
擊衆利在暮卽馳入陣斬二驍將一軍大驚遂引去

甘肅通志

卷三十一

名宦

王

仁宗下詔暴其功以勵諸將改涇原路都監

劉謙字漢宗開封人涇原路總管兼知涇州會敵
犯鎮戎軍謙引兵深入敵境破其聚落而還以功擢
龍神衛四廂都指揮使

張亢字公壽臨濮人尙節義通判鎮戎軍因論西
北攻守之計仁宗欲用之會以憂去及元昊反起爲
涇原路兵馬鈐轄知渭州上言設官屯兵之策甚悉
創建砦堡修飭軍政邊方倚以爲重復爲涇原路總
管知渭州好施輕財凡燕犒餽遺皆過厚以此人榮

爲用屢立大功

安 俊字智周太原人涇原鈐轄因條上禦戎十三事知涇州歷秦鳳路環慶路總管俊久在邊羌人識之种世衡嘗得俘問之曰若屬于我將孰畏曰畏安太保指俊于坐曰此長髯將軍是也

段少連字希逸開封人范仲淹薦少連才堪將帥遷龍圖閣直學士知涇州少連通敏有才斷決如流士民畏服改知渭州命未至而卒

蔡延慶字仲遠萊州人歷知渭州夏人禹臧苑麻疑

甘肅通志

卷三十一

名宦

十一

宋謀伐之使人入塞賣馬爲間吏執以告延慶曰彼疑故來覘執之是成其疑約馬直投之使去疆吏掠夏畜牧戮諸境以告夏曰兩境不相侵則安故戮以戒若有之亦當爾也夏人悅服

尹 源字子漸河南人通判涇州徙慶州元昊寇定川堡大將葛懷敏救之源遺懷敏書宜駐兵瓦亭擇利而動懷敏不聽果敗弟洙亦知涇州

王 素字仲儀太尉旦季子知渭州初原州蔣偕建

議築大蟲巖堡素遣卒助城之治平初夏人犯靜邊

若復以端明殿學士知渭州三鎮涇原蕃夷故老皆
歡迎夏人解去拓渭西南城濬隍三周積粟支十年
屬荒納地悉增募弓箭手其行陣出入之法身自督
訓爲築八堡居之聽散耕田里聞警則聚士氣感奮
劉舜卿字希元開封人父鈞監鎮戎兵馬慶曆中與
子堯卿戰死於好水舜卿年十歲錄爲供奉官後知
水洛城神宗方經畧西夏近臣有薦其能者召問狀
對曰自元昊稱臣秦中不復戒嚴今宜先自治帝善
其議又歷知原渭二州曉吏事善料敵

甘肅通志

卷三十一

名宦

十一

劉 庠字希道彭城人仁宗初上禦戎策宜示大信
捨近功爲國家長利元祐時加樞密直學士知渭州
邊人愛其惠政卒于官人咸思之宣仁太后聞之曰
帥臣極難得劉庠可惜也

盧 秉字仲甫德清人神宗時知渭州五路伐夏惟
涇原有功夏境葫蘆川距塞二百里秉遣將姚麟彭
孫襲之俘斬萬計遷龍圖閣直學士夏酋仁多嵬丁
大舉入犯熙河定西城秉治兵瓦亭分兩將駐靜邊
若待其還縱擊之皆奔潰或言嵬丁已死有識其衣

服者諸將請以聞乘曰幕府上功患不實吾敢以疑似成欺乎他日物色之鬼丁果死詔褒賜服馬金帛秉守邊久表父革年老乞歸行三驛復詔還渭慰藉優渥革聞亦以義止其議

姚麟字君瑞五原人爲涇原路副總管從劉昌祚出戰勝於磨曷隘轉戰向鳴沙趨靈州後討堪哥破之經畧使盧秉上其功賜金帛甚厚元祐初擢爲團練使

劉仲武字子文秦州成紀人熙寧中爲涇原將時夏

甘肅通志

卷三十一

名宦

十一

人謀犯天聖嘗渭帥檄諸將會兵約過某日敵不至卽分屯去仲武謀得的期乞緩分屯帥不樂但留一將及仲武軍如期而敵果至仲武力戰却之遷皇城使

呂大忠藍田人紹聖二年知渭州奏言關陝民力未裕士氣沮喪非假之歲月未易支吾爲章惇所嫌坐降待制爲政寬厚不求近功去任民思之

种古字大質世衡子涇原路都監知原州時羌人

犯塞古禦之斬級數百築城鎮戎之北以據要害朝

延嘉之民有損直鬻田于熟羗以避役者古按其狀
得良田三千頃丁四千皆刺爲民兵後徙知鎮戎軍
熙河師十萬道境上古皆給以芻糧僚佐以他路爲
言古曰均王師也何以彼此爲言哉

張守約字希參濮州人守原州截原砦招降羗酋水
令逋等十七族萬一千帳徙涇原鄜延秦鳳副總管
領康州刺史夏人十萬屯南牟畏其名引去知涇州
涇水善暴城每春必增治隄堰費不貲守約以歲饑
罷役然衆憂水害守約乃禱河神祠一夕雷雨河徙
甘肅通志

卷三十一

名宦

書

而南不爲患

蔡挺字子政宋城人范仲淹宣撫陝西河東奏挺
通判涇州神宗初由慶州移知渭州籍禁兵悉還府
不使有隱占建勤武堂五日一訓練偏伍鉦鼓之法
甚備蒐勦卒爲奇兵別爲一隊甲兵整習常若寇至
又分義勇爲伍番三千人參正兵防秋與春餘任耕
守省歲費十之二

李復圭字審言徐州豐縣人知涇州是時二稅之入
三司移折已重轉運使又覆折之復圭爲奏免民立

生洞

和 斌字勝之濮州鄆城人爲德順軍指揮使凡五年數扞敵被重創十餘徙涇原鈐轄召對時議者謂交州可取斌盛言有害無益願陛下戒邊臣無妄動神宗歎其質直時渭部饑帥王廣淵命吏賑給斌曰救之無術是殺之耳廣淵以委斌斌擇地營居養視有法所活萬計斌老子爲將以恩信得邊人心

劉昌祚字子京真定人元豐四年爲涇原副都總管詔與姚麟率番漢兵五萬出葫蘆川多斬獲後知渭

甘肅通志

卷三十一

名宦

五

州州地宜牧養故時弓箭手入授田二頃有馬者復增給之謂之馬口分地其後馬死不補而據地自若昌祚按舉其法不二年耗馬復初遷指揮使昌祚善騎射箭出百步之外夏人得箭以爲神持歸事之所著射法行于世

游師雄字景叔武功人爲儀州司戶參軍遷德順軍判官鄜延將劉瑄與主帥議戰守策欲自延安入安定黑水師雄以地薄敵境懼有伏請由他道旣而謀者言夏伏精騎于黑水旁瑄謝曰微君言吾不返矣

值歲饑師雄按行邊壘賑貸計口賦糧人無殍亡深溝繕城邊備益固

周永清字肅之靈州人爲渭州鈐轄渭兵勁而陳伍不講永清訓以李靖兵法蔡挺嘉其整圖上之詔推子請道以爲式旣而知德順軍夏衆入犯擊擒其酋呂效忠又募勇士夜馳百里擣賊巢穴斬級三百俘數千人獲橐駝甲馬萬計並砦地三百里盜耕不可禁永清拓籍數千頃置射士二千聲聞敵廷降者引入帳下待之不疑多得其死力

甘肅通志

卷三十一

名宦

五

毛 漸字正仲江山人以陝西轉運使攝帥涇原日夜治兵乘夏人犯邊遣將擣其虛遂破沒煙砦以功進龍圖閣知渭州

姚 雄字毅夫少勇鷲有謀韓絳薦其材歷涇原秦鳳將駐甘谷城知通遠鎮戎二軍紹聖中渭帥章棻城平夏雄部兵策援夏人傾國來與之戰大破之明年敵復攻平夏勢甚銳城幾不守雄與弟古合兵却之徙知會州

王 恩字澤之開封人爲涇原將整軍出萬惠嶺士

饑欲食恩倍道兼行已而遇敵數萬恩引兵先入壁
井竈皆具諸將始服羗扣壁願見恩單騎徑出遙與
語一夕羗引去哲宗召見語左右曰先帝時宿衛人
皆傑異如此出爲涇原副總管城西安築臨羗天都
十餘壘禦夏人改知渭州分弓箭士爲三十一部耕
屯以省餽餉時邊臣獻車戰議帝以訪恩恩謂非宜
詔罷之

章 案字質夫建州浦城人哲宗問邊事稱旨命知

渭州奏城葫蘆河川據形勝以備夏乃以三月合熙

甘肅通志

卷三十一

名宦

七

河秦鳳環慶之師築二城於石門峽江口好水河之
陰二旬有二日成賜名平夏城靈平砦方輿役時夏
以其泉來撓案迎擊破之于是環慶鄜延河東熙河
皆相繼拓境築城夏師大舉圍平夏攻旬日度弗克
遁去案在涇原四年凡剗州一城砦九薦拔偏裨不
間廝役如夏降人折可適李忠傑朱智用咸盡其力
夏人遂衰屢請和漸寢兵案立邊功爲西方最

种師道字彞叔洛陽人通判原州爲涇原都鈐轄知

懷德軍夏國畫境其人焦彥堅必欲得故地師道曰

如言故地當以漢唐爲正則君家疆土益蹙矣彥堅
無以對久之知西安州夏人侵定邊築佛口城率師
躡之知渭州督諸道兵城席葦夏人來爭堅壁葫蘆
河師道陣於河滸若將決戰者陰遣偏將出橫嶺揚
言援兵至敵方駭顧姚平仲以精甲邀擊之敵大潰
斬獲萬計師道有遠識爛於將畧天下稱爲老种
李 嘉開封人建炎中知彭陽縣金陷關陝與民徙
治境上被執金人欲以爲官固辭不受

朱友恭西安人爲涇原將禦金人于華亭數有功金

甘肅通志

卷三十一

名宦

三

兵大集友恭力戰不勝被執金人愛其勇欲降之友
恭不屈遂遇害

金石盞女魯歡興定三年行平涼元帥府事上言鎮戎
赤溝川東西四十里地無險阻當夏人往來之衝比
屢侵突明年當城鎮戎務必出兵來撓乞徽旁郡兵
聲言防護示進伐之勢以掣其肘臣領平涼之衆由
鎮戎而入攻其心腹彼自救不暇安能及我如此則
鎮戎可城而彼亦不敢來犯矣又言鎮戎土壤肥沃

且平衍臣裨將所統幾八千人每以遷徙不常爲病

若授以荒田使耕且戰則可以禦備一方縣官省費而食亦足矣金主嘉納之

愛 申史逸族氏宣宗擢爲德順節度使正大四年春元兵西來將攻德順有進士馬肩龍客遊鳳翔申器之招與共事鳳翔帥以德順決不可守勸勿往肩龍曰吾未識愛申而愛申乃知我士爲知己者死耳冒圍入德順申假肩龍鳳翔總管判官括民兵九千以守攻二旬餘力竭城破俱死之金言官表其忠義爲請贈官合享于褒忠廟

甘肅通志

卷三十一

名宦

堯

趙得亨爲靈臺縣尹建立學校甚有政績

元劉 炳字煥章性純素博覽經史至正間知崇信縣誨民以大禹惜寸陰與民同休戚修廛立市葺理學校祠旣躬導稼穡不避寒暑民愛如父母

明王 軫洪武初崇信知縣值鼎革之時安集人民創建城社立新政皆足爲後式

歐陽信字有孚定遠人洪武四年知靜寧州創建郡治規模弘遠盡合時宜半載郡大治

顧 佐河南太康人洪武末知莊浪縣廉能有惠政

民頌其德守將初以不嫻武藝易之會端陽聚射佐
持弓矢連發三中守將奇之尋擢侍御史歷左都御
史剛正執法百寮畏服勲貴斂手人擬之包孝肅云
張鏞肥鄉人永樂間以御史知平涼府事下車訪
利病得失鋤強暴綏善良闔郡畏威感德

李著山東濮州人成化初知平涼府吐蕃乜理哈
爲其部所逼欲爲亂總帥制之不下曰得平涼李公
來乃降大臣檄著往皆相率歸命滿四據石城以叛
命都御史項忠討之時軍興乏糧忠雅知著命備熟
糗千石著請于韓王命護衛軍造糗如期而集

甘肅通志

卷三十一

名宦

李

靳善學宗元山東鉅野人成化初知靜寧州端方
持已剛果有爲郭外有棄地久爲衛卒侵耕自肥前
後守者莫敢問善至卽申撫司還地於州令民耕之
收其入爲公需名曰義田

祝祥字廷瑞浮梁人初爲監察御史言事被議成
化十一年知靜寧州有治才歷任九載勸農興學政
績顯著歲饑出倉賑濟全活甚衆後陞汝寧知府

徐鏞字用和興國州人成化二十一年謫鎮原值

歲大饑請於上發帑賑濟躬閱分給流移聞風歸附
擇薪水便舍煮粥以飼疫大作命藥調治賴以全活
者萬計死者設義塚掩之造水車百餘輛汲水灌田
再歲災益甚盜賊四起鏞擇壯士數百嚴什伍整甲
仗且撫且捕境內宴然是歲春築預備倉牆獲藏錢
數十萬緡一無所私以是錢償通負買牛佐耕賃工
休力邑政咸舉尋調臨潼鎮原民數千泣送之歷陞
漕運都御史民爲立祠

車 靈石州人弘治中知平涼府嚴以馭吏宗室不

甘肅通志

卷三十一

名宦

李

能于以私性直慙不拘小節與上官語是非無稍回
互嘗有檄郡取土產寔恐爲民患不應命當道亦莫
能強其守臨洮亦類此後陞參政

孫 侃平定州人弘治十六年知平涼縣政教有方

楊 宏字希仁海州人正德元年以都指揮僉事守
備固原好學有謀士皆感恩時楊一清總制三邊宏
獻策以紅古城乃北兵必由之路宜築城鑿池募衆
屯田甫闕月軍士雲集築邊牆數百里

張守亨潁州衛人正德間知華亭縣剛方簡易決獄

如流縣依山險多盜守亨設計擒其渠魁盜遂息每
春秋政暇循行郊野勸民耕作有不給者補助之月
朔禮請耆民訪求閭閻利病卽次第興除嘗大旱步
禱甘雨如注歲大稔

劉大武山西襄垣人正德間知靈臺縣明辯任事發
奸摘伏破囉哩賊於橫渠盜賊屏息夜聞續紡讀書
者晨卽賞勞課士勵俗人無敢遊惰居四年卒

吳 璉平定州人正德十一年任平涼府同知行縣
至華亭適華亭有警民久不知兵懼雉堞頽圯咸謀

甘肅通志

卷三十一

名宦

三

夜遁西山璉令曰敢私下城者斬衆乃止堅壁晝夜
徒行巡視數日敵解去城居無事民咸頌之曰吳公
生我

姚汝紆河南襄城人嘉靖三十二年知平涼府精吏
事無滯獄宗室訐奏使者捕治猶忿爭衆黨十餘相
詬鬪官府盡闔汝紆肩輿出諭衆咸聽命三十四年
冬地大震城垣盡摧城中及山居穴處死者數千人
情震恐羣盜謀行劫汝紆晨出省視陽如平常衆乃

定踰年正月朔東方旅人至者備言潼關蒲葦危亂

盜遂洶洶以賀正爲名縱火城郭八十餘處汝耔往來赴掠火皆息司氏軍號衆曰反且殺守令汝耔令衆執之合圍而唱杖者凡百聲尋令曰曳以飼狗衆應曰諾亂者喘息卒無事踰旬司氏軍居處如故乃悟汝耔權道安衆實未嘗塗死一人

于 玘字子珍東阿人嘉靖二十六年知靜寧州以廉名著三十三年陞平涼府同知政先教化令行禁止道不拾遺時大祲民相食請賑發倉按籍賑貸全活數萬人韓府宗室不法至聚衆毆擊別駕囚之別
甘肅通志 卷三十一 名宦 奎
室玘至以法曉譬諸宗悚懼而解大猾高良據清平萬安二苑牧地投獻慶府暴橫范民莫敢制玘單車入壘誘良出見縛之部使上其治行

李 槃字用甫浙江餘姚人萬曆十九年知鎮原縣補南河頽城之缺增北山舊城之薄開東濠遠城之水重建公廨修理學宮教民織褐種樹設保甲行鄉飲善政畢舉邑人戴德

喻三元字少極江西豐城人萬曆二十二年知平涼府沉毅廉靜勇於任事初至郡值敵犯靜寧固原三

元悉心防禦頒布保障條約遠邇戒嚴民恃以無恐
首禁宗藩請託諭令修禮義以重廉隅條議獎賢宗
以勵不肖宗姓斂避不犯劊行條鞭以蘇民困裁冗
費汰冗役斷疑獄懲豪橫免贖鍰崇禮讓臺省監司
咸重之

李圭山西安邑人萬曆中知華亭縣蔬食布衣一
介不取以禮讓化民三年民相勸無訟陞真定府同
知民皆號泣以送天啟改元詔舉有宦績者直指楊
某奏允入祀

甘肅通志

卷三十一

名宦

裔

范立朝臨川人天啟中知平涼府爲政平恕人有犯
法者以理誨諭使自愧悔然後以薄刑示懲強宗大
姓奸吏猾胥無不感服韓王出所藏故勅云有欽賜
田地凡數里盡負郭腴壤時多在民間欲奏請攘之
諸院司已從知立朝不可以私干乃設宴從容微語
立朝卽正色起曰某爲朝廷守土身可死不敵以寸
壤許人退力求去位其事遂沮

顏日愉字陽華浙江上虞人知靜寧州會囉賊反所
至焚劫日愉馳報請固鎮五道兵而先率敢死士數

入陽爲招撫乘賊不備遂引精兵五百直陷賊營設
左右伏賊倉皇失措斬首數百天明五道兵繼至殲
之靜寧安堵尋遷南陽知府賊陷城殉難

何相劉乾州人崇禎間華亭訓導寇至教諭鄒某援
曾子居武城之義欲去相劉止之曰吾與若受命司
鐸卽臣也豈可以未臣之師例之因率士死守城陷
偕鄒俱死事聞旌其烈贈國子監學錄

簡仁瑞字季麟四川成都人崇禎間知平涼府潔已
愛民癸未冬李自成破潼關藩郡諸王與分司協鎮

甘肅通志

卷三十一

名宦

奎

謀遠遁仁瑞知之卽說韓王同死社稷不聽是夜兵
鼓譟陝諸藩郡斬關而出仁瑞集少年技勇撤四關
居民入城死守盡出其橐散給廝役召所活寃囚數
輩謂曰吾爲朝廷守土義與此城存亡但不可絕先
人嗣吾有一子汝輩爲我衛送出城衆皆諾詰晨賊
騎薄城隨有士民撰降文請仁瑞僉名仁瑞大怒服
衣冠自經於堂上

